

und krieg, auch jamer und not in diser landtsart hab meins  
vermögens angestift, darumb mich user verhenknus und zu-  
lasen des allmechtigen Gottes sant Michael mit einer grosen  
anzal seiner engel überwunden und gefangen, auch daher  
5 hat gebannet; leid auch grose pein und mag nit erlost oder  
dannan ledig werden, dann durch ein Christenmentschen;  
und dich hab ich darzu erwelt, daz du mich des orts er-  
ledigen solt. Darumb will ich dir grofs guet geben, auch  
dich und dein geschlecht reiche machen.« Wie der rütter  
10 diese wort hört, gab er kein antwurt darzu, sonder scharret  
das gegraben ertrich widerumb zu und wolt den bösen, ver-  
irten gaist weder umb goldt oder silber erledigen. Wie er  
noch in derselbigen nacht widerumb in sein haus kommen,  
ist er ganz krank gewest. Dieselbig krankhait lange zeit  
15 an ime geweret, letstlich aber hat er sein gesundthait wider-  
umb erlangt, iedoch an allem seinem leib ein gele farb über-  
kommen, die an ime bliben, so lang er gelept, ist auch  
fürhin die zeit seines lebens nur der gel ritter genennt  
worden.

20 **Wie grave Wilhelm Wernher von Zimbern den camer-  
richterstandt ufgesagt, sich widerumb gen Zimbern be-  
geben, und was hinfüro im die überig zeit begegnet.**

Grave Wilhelm Wernher ist wenig jar am cammergericht  
bliben. Die ursachen aber, darumb er sein cammerrichter-  
25 standt kaiser Carln widerum ufgesagt, waren fürnemlichen  
die. Nachdem etliche cammergerichtsvisitationen allerhandt  
ungelegenhaiten halb verbliben und angestellt, do erwachsen  
daraufs grose unordnungen, widerwertigkaiten der personen  
und ein lautere ungehorsame, sampt dem grosen unfleis und  
30 andern mängeln, die teglichs einrissen, daraufs zu besorgen,  
wa sollichen geprechen zeitlichen mit fürkommen, ein entliche  
zerrüttung und zertrenung volgen. Zum andern waren die  
eltesten und fürnembsten beisitzer der ursach halb vom ge-  
richt stellen. Zum dritten so war bei den jungen assessorn  
35 kain volg, wolten auch kain straf oder underweisung verguet  
nemmen. Zum vierten so war sonst alle ungehorsame im  
reich, auch des marggrafen Albrechts halb ein grose un-

2 mich] hs. ich.